

銅梁山人詩集

銅梁山人詩集卷第十一

渝江王汝璧鎮之

容城曉行

大野風如海茫茫吹白雲旱田終莽鹵秋氣亦紛
紜麥地遊蒼鼠蕎花泣古墳舖糜聊可活四境曉

鐘聞

時令各州縣煮賑接濟每晨開廩散粥以鐘聲爲號

過新安

一半啼饑半樂豐水鄉地利本難同人煙野淀荒

灣外秋色蒼葭白露中此日葦田生地栗

地栗如土芋旱

歲多生葦根土中遠近掘以療肌

當年蟹堞覓芎藭重來瓜蔓經

流處小黍低蕎漾晚風

己酉秋潦會
遍歷各村

白露日蠶吾田間作

灤灤零露滿燕南晚稼西風氣正酣月下已看蝗
翅軟雨餘頓覺黍苗甘獨騎瘦馬循阡陌時見飛
鴻過兩三赤子痾瘵

天念切雷行澤降

渥恩覃

紅草坡

唐將張興葬處草色獨
紅相傳爲忠血所化

豬龍觸天馬鬼死冷玉嬌燐暈青紫堂堂罵賊張
將軍大星實地頰芒委千秋碧血生丹砂夜半腥

風赤虹起緬昔嬰城鍊甕堅五十斤刀斫犀兕萬人膽落寒毛生項骨飛霜碎砧几滄焚趙陷饒陽摧力盡飢蛟困螻螳巴將尙不歸桓侯唐臣安肯降逆子幸得死所聽一言祿山旦晚就禽耳四句櫟括

張公語

毅魄何時哀鬼兵八厲五殘驅臂指陰風慘

澹靈旗開鬼伯森森角鬢鬢夜叉吐火搜遊魂悅睂紅坡礫安史精多物宏理則然漆炬猩煙故之以吁嗟碧月啼秋蕪青塚猶能歸漢鬼何況丹心熱血紅萋萋赤日天中照蒿里

宿伍仁橋擬東坡孤村小雨作秋涼卽依其

金華山詩
二
韵

孤村小雨作秋涼
愁歎機舂夜正長
比戶窮年無飽飯
野田竟夕有啼螳
不聞驛騎催殘漏
但聽荒鷄叫短牆
白酒三盃聊獨醉
爲耽佳句立蒼茫

過祁州

星輶往復歷村郵
畢雨箕風問訊周
棉地亂雲收鹿邑
棗林斜日到祁州
已看白粲甘流甕
更喜黃雲蔽滿疇
爲勸河灣勤耨麥
一穰聞說勝三秋

五女村

言別伍仁里來過五女村
梨含新雨潤棗綴夕陽

繁學紡了鬟小收棉健婦喧村名何自昉絡緯弔
幽魂

重過望都疊前韻

眞似蟻旋磨何如雲度空行蹤秋影裏心眼晚田
中忙俗茲邦舊人家自古窮美哉聞蟋蟀到處有
唐風

送丁淦泉同年歸范陽

自昔同門友於今三十年論文恒頻首薄宦亦隨
肩細雨蓮池夜殘春泮水天銜盃頻剪燭八載話

纏綿

子與君同官
保陽八載

漫說儒官冷猶嫌雲水忙仙人自安樂

相傳邵康節安樂窩

遺蹟在涿之仙峯坡

賢子有聲光似我身如寄因君氣一揚

何時抽手版相與事耕桑

秋夜獨酌再和昌黎短燈檠歌韻

短歌長吟亦能長短檠高照同此光引觴兀兀不成醉鷓鴣啁哳西風涼役車暫休返秋室有琴在壁書滿床牀頭太息讀書客不信謀生竟無策推書起視天宇蒼桀戶銀河大星白後之視今今視前此身已似蠶三眠藝圃經倉食還恣笑掣鯢鯨羅孔翠公何好飲子未知明月三人肯遐棄

八月初九日夜夢人送蟹

冷冷秋影夜魂清
紫蟹筠筐刺眼明
非我佳人誰解此
倦游文筆笑縱橫

瑣闥今夕月華濃
燒尾何人待化龍
宜樹多情占得解
可能秋隼獲高墉

時廉兒應京兆試

朱甥饋蟹報以小詩

夢蟹果得蟹含豪
致足豪金風綻金
菊海月滿霜螯似
子饒清興笑予眞
老饕五言慙報錦
一釣喜連黿

秋郊卽目

金華山人詩
四
亭臯漠漠遠煙愁暮色蒼然下古邱特與荒原添
好景斜風細雨作中秋

去鳥孤蹤不可攀饑餬西嶺失煙鬟野雲一帶堆
殘墨補出東南半壁山

中秋夜雨

明月呼不出溼雲吹更生沈沈連夕雨黯黯一秋
情節已新霜近時還大雨行銜盃聊復醉簾影粲
花粲

古北口用高文良公韻

老馬嘶高關默識來十一摩娑舊題名幾度苔生

碣

予自爲吏部時數過此及今凡四易官來往十一次

千古屹崇墉連天矗

精鐵龍象厖曾巒神怪秘幽窟廻身抱神京引吭

達

行闕閭道星迢迢長垣勢透折遐哉沐醲化久已

消燐血陋彼趙秦來畚築事其末石火十四番保

固竟無律

自趙築長城至前明凡十四次

我朝

聖德敷垓埏胥几闔漠北盡龍沙極南窮海月關

門夜不扃古蹟存廢堞宿畱憩星輶出入馳麾節

石氣濯精神山風鍊筋骨南交久獻琛吐蕃亦尋

滅虎臣厲雄虬龍首欽

聖哲饒歌計日還火馬連雲設振旅無罷勞封山

駭傳說

西番秋盡卽大雪封山

有客驅柴車夕陽循古轍高

咏來天風涼雲起綿葛

兩間房用高文良公韻

出關山更幽落日色深紫行役豈不艱適意卽
里況當近 觚稜周道皆方軌澹懷結高情獨往
自成喜商飈意何競白雲飛亦駛橡葉黃已乾柿
林紅欲盡秋令方張王凌厲勢無底豈知松與栢
鬱鬱抱青子玉塞多豐年孤村久成市沽酒炙羊
胛挂額聽流水

宿巴克什營

疊嶂寒無月孤雲自往還松梢眞拂漢斗柄欲懸
山石與流泉激營同古壘聞山清無虎警小犬吠
柴關

何年茲講武小聚遂成營

巴克什華言教師

及此昇平久

時聞絃誦聲深宵來欵戶逆旅故多情穩睡不知
曙關山曉日生

密雲縣用高文良公韻

薄寒欲中人西風吹我衣獨客易神傷底事傷神
爲下馬酌村酒歲薄酒力微道逢縣令來抱疴兼

苦飢今年三輔旱北路年稍差賦籍亦既緩繇役
宜免茲語罷執手別前嶺炊烟稀浮圖屹崇巔高
影令心悲犂硤礙車轍鉏耨不得施去年風雨夕
待渡潮河湄今我已山岡我僕猶水涯茲地足雄
概吟眺無易詞雜誦得師法汗漫相與期

文良公
爲先

中丞公壬午座
師從遊最久

南石槽

北望山纔起南來路已平遙天衰柳合遡雁曉雲
生人意趨冬日秋原戀老晴歸途作重九釃酒泛
金英

宿盧溝橋疊前韻

征車還紫塞落日下青平
第一郵亭夜初三偃月生
寒砧憐漏永滯穗喜秋晴
卽景多欣賞黃花未落英

涿鹿道中三疊中字韻

暮色下墟落夕陽沈遠空
柳陰纔月上麥隴正虛中
歸路天仍暖秋雲意不窮
亭臯聞鴈過清響激霜風

高碑店四疊中字韻

野水青蒲亂叢祠白日空
酒帘垂柳畔村店斷烟

中市散羊牛下秋肌菽粟窮晚禾猶向暖寥落立
西風

北河

襖被東華土飛塵送馬鞭寒雲生北易秋色滿南
燕佑舶檣烏集霜風塞雁傳呼童烹尺鯉痛飲菊
花天

卽景

天涯伴侶趁征鴻灤水西邊易水東千里紅塵九
秋客半肩黃葉一襟風墨痕山影凝愁黛靛色雲
光挂玉弓放眼眞看秋氣逸無邊好景與誰同

擬張茂先遊俠篇卽依其韻

豪傑伏草野難免
因人名焚券乃得衆
處囊誰與衡
狐白與虎符
女子亦俊英
屠博賣漿客
市隱多奇橫
騶子學牛鼎
堅白不敢鳴
是時四君者
養客如養兵
兵刑及名法
各以其術行
天道西嚮秦
朽骨纏荒荆
名遂身則退
著書憐二卿
虞卿荀卿
居高不知危
流弊韓與彭

立冬偶題

一年三萬六千觴
一月四十五日長
文史三冬自足用
燈花今夕多輝光
不隨廟市喧遊騎

時值廟會獨

補茅籬護晚香更好同雲新釀雪臘前三白意飛揚

懷李虛谷庶常用前韻

憶昔蓮池迭舉觴新詩美酒意俱長削成大華五千仞共此青藜一夕光別去西江波正濶夢來庾嶺句猶香秋期豈獨懷風雨賦手瀛洲待馬揚

赴灤河鞠案道由都門錢宗範農部招飲寓齋愴然話舊農部作詩見貺次日出都途中和寄

寒飈颯沓衡衡黑欵扉執手今何夕多年忍淚西

州門當日曾分邸成宅

歲壬午予舉京兆試寓外舅錢文端公舊第哭

其三世三十年使我未老頭都白眼明見此孤桐

枝小鳳雛雛話疇昔文章規矩高與曾裴履風流

叔兮伯我昔曾爲長水客贅壻傭居聲藉藉子家

老屋乾河頭水北橋南連巷陌瘁龍蛻粉犀角奇

瞳人剪水秋星碧是時仇母方三遷如珠在頷雛

菴掖韓門籍湜皆名流櫟括扳援多廣益子方髫

鬣不及趨獨抱韋編哭寒鑊子之先子棲春明手

不停揮口諾畫我時羈羖宣南坊山桃花下撻金

石

癸未予下第寓東麓少冠家時宗範尊人深之茂才甫弱冠讀書山桃書屋相見甚爲契合

銅梁山人詩

居庸集卷十一

九

可憐逝者不慙留石火飛飛冰釋釋春秋易象盡
在茲一綫前徽慎擔責公才吏用由經腴鍊石梅
花亦靜燼嗟予塵海過半生豈復能文幾典冊滿
天風雪裁瓊瑤火急詩筒報郵驛

于役灤河歸途寄懷李虛谷庶常五疊中字
韻

遠夢來冰窟高情寄碧空雲停三輔北雪暖一陽

中

時值
長至

魚素河津隔梅花驛騎窮葭灰初動律黍

谷遲春風

昨見丁公說

謂金
泉

鴻音度遠空章江雙水合孤艇

九秋中此日頻占誰來時好送窮待君同獻歲酒
脯祭幽風

檄赴河間天津查賑用謝元暉京路夜發韻

碌碌車載馳悠悠屐幾兩瀛鄭雲逶迤津淀氣沆

漭中中蠲有差

蒙蠲免地糧十之三四不等

下下益自上熙熙

赤子懷浩浩

皇仁廣周諮無匿情卽事多欣賞

鴻飛已安輯雪意正駘蕩下馬問田叟荒村暫停

鞅

宿大城寒甚

月午凍無影星中光欲凝夢棲三里霧骨瑩一壺

冰雪意寒門積春心玉琯憑柝沉宵正永爐火照殘燈

過靜海用謝元暉晚登三山還望京邑韻

策馬運河塢遙指彈丸縣分野析津連城郭疎林見長河結曾冰積素如匹練天惠周海隅歡聲動畿甸賑卹各有加豈慮歲云晏急飈趣同雲快雪先集霰早知蝻孽消無憂羽蟲變

天津道中

一望無烟樹青黃表裏平眼幾窮若木天已入滄瀛風日浩無色冰河吹有聲玉梅花發未凝睇望

飛瓊

津門曉望

風吹大野莽無垠
溟海原通析木津
騁目眞疑窮亥步
舉頭早已上寅賓
行來隴畝攜鋤客
又是簞車望歲人
帝德同天天澤廣
盤根宿麥早懷新

喜雪卽景疊前韻

孤舟閑煞老漁師
來往冰床縞帶隨
雨地飛沙聲趣趣
漫天舞鳳影離離
喜逢三白迎年候
想見遺蝗入地時
吹澈玉龍春有信
天花拂拂繞鞭絲

青縣復雪三疊前韻

粉本重摹孰畫師夢中白鳳好相隨
夙沙攬海天爲合析木揚葩月又離
豈曰無衣思愛日已占有慶樂耕時
閒情更憶梅梢蝶玉冷香溫感髻絲

大雪途中漫歌

天濃地濃白如汞鹽海吹沙銀漢涌
冰輪鉄馬不周風碎碾星榆玉鞭重
左驂瑤姬右綠華玲瓏心骨思無涯
素絲未染墨翟淚狐裘不暖田文家
行人絕似穿珠蟻曲曲盤旋玉壺裏
率然相率遇常蛇古錦囊中素虬起

自滄洲至南皮冒雪循隄行疊前韻

九河一派如潑汞珠宮白晝銀蟾涌古柳吹花木
魅春長虵攪岸泥牛重眼中了了非狂華朝雲綽
約天之涯斯文未喪應劉在鸞漂鳳泊陳王家滄
洲綠酒初浮蟻載以鴟夷後車裏當鱸下馬瀉銀
缸颯颯鵲裘素雲起

東光再雪

晚霽星如浴曉寒雲亂飛雞聲冰戶出鵲語凍枝
依傾葢清揚舊拈花夢影非棗林開鬢鬆玉蕊又
成圍

雪後宿開福寺埕下口號

曼陀花裡立僧雛
雪屋冰天色相殊
夢到雙林眞寶地
化予右臂作浮圖
水光自覺虛生白
圓景從知頂有珠
合掌維摩無一語
小生結習也難除

獻縣曉行卽目

霧氣長空合冰花四照開
雲猶停雪伴寒欲挾春
來沙界瓊瑤積天風稷粟
篩占年徵物象田父有
嘉懷

題苑東庵

陸海茫茫散玉沙
風行無跡淨無瑕
往還千里津瀛路
開徧瓊林萬樹花

六丁玉女下天扉
瑤象爲車玉作圍
乞與吾民好
年景接離倒着醉忘歸

銅梁山人詩集卷第十二

恆山集

渝江王汝璧鎮之

癸丑三月蒙

恩擢正定守眷屬留保陽四月遣嫁謝氏女
越數日廉兒以疾沒五月內子以屏當兒女
事積勞委頓遂不起三十四年舖廩夫婦患
難友生盡于此矣尙忍言哉每涉筆作悼亡
輒咽咽不成語而長歌當哭亦時復流露于
吟咏間情有所難遣遣之以空心有所難制
制之以事如是焉而已九月荷蒙

恩命簡任天雄往來趙魏間得詩若干首并
正郡所作詩都爲恆山集恆山河朔鎮也大
名亦望焉因以紀斯編

赴正定任途中口占

鴻雪關山感別情南雲復此導前旌雨中宿麥一

千里馬首春風十四城此去定邀靈岳貺當年屢

見濁流平

前曾四署
清河道篆

下車何以酬民望爲祝農祥

勸早耕

赴平山勘訊田畝作

杏子花開夢雨醒蓬蓬春色滿郊垆黏天草入潯

迤緣拔地山連大茂青望裏九章歸指掌坐來五
聽得平亭書生作吏無他術讀律由來當讀經

和高映苔上舍詠燕次韻

時掌教平山

白晝蕭條自掩扉勞勞燕子語相依芹香已任新
雛長雨冷空驚舊壘非漂宕可憐他縣客差池仍
傍故人飛高樓莫夢逢秋鴈文杏梁深月有輝

密雲道中感懷

天涯忽忽動悲吟山上山重別恨深雨冷嵐光青
入骨烟綿草色碧傷心孤雲逝鳥自高舉老柳哀
蟬無好音偏是行人戀行役無家底用淚霑襟

時

子相繼
下世

雨中過都門舊寓口號

蝶夢都非燕壘訛故人泉下意如何
牛衣十八年中淚比似銅街夜雨多

偕謝氏女歸保陽過紺雲精舍感賦

將雛敝羽歎襦褌似此歸甯亦太奇
勸我深杯仍獨醉攜來弱女當痴兒
疎蟬侵曉腸先斷落絮因風淚暗滋
稽首紺雲同一哭慈烏何處月明枝

張西村孝廉趙玉山明經偕吳倩游大佛寺
同用少陵望嶽韻賦詩二章喜而和之

智井出金銅斯義未明了

宋初鑄銅佛高七十尺相傳銅出古井訪

古來賢賓嘉遊得晴曉劍倚飛雨岑絃揮入雲鳥
何當大茂登更覽須彌小

嗒坐觀鄰虛息息吹不了纖雲還太空古月度清
曉大人豈雕蟲希有非凡鳥三子揆異乎一笑鏗
爾小

署後有山園韓江鄭制軍爲郡守時重脩今
二十餘年漸就圯矣余來略爲掃除張西村
趙玉山暨吳壻芍坡同遊作詩八章索和走
筆應之

臺嶺山

何年施蕢土積累遂爲臺望遠良悲矣披襟亦壯
哉削成方丈室直似五丁開作賦憑高手靈仙時
一來

帶山亭

此阜眞如礪遙青作帶圍太行飛雨過北嶽曉雲
歸只尺通霄漢尋常歷翠微驚人攜好句誰似謝
元暉

壽星碑 有絳侯周勃題名

或是商山侶遺碑貌古賢弧南一星赤杓北小亭

圓竟與絳爲伍甯非史失傳銘辭差近古三祝慶

堯天

贊云願我聖
皇永育遐齡

仙人石

在松嶺下

若士誰爲友洪厓或似君橋邊人是石松下石如
人霞佩空山曉苔花上古春摩挲頻下拜膚寸便
能神

松嶺

冷翠三冬秀摩厓兩字工濤聲如在耳龍氣已騰
空纂纂徒悲棗

今僅棗樹
數十株

泠泠獨馭風撐筇憑弔

處誰與歲寒同

水月亭

水北虛亭敞芙蕖面面通波平真似鏡月好是如
弓草色空濛處星光杳藹中采芹傳好咏樂泮是
無窮

菜圃

菜把筠筐滿園官願易酬忘機丈夫智學圃小人
謀種得千畦非渾如萬戶侯使民無此色飽食又
何憂

葦田

遠日江湖思清秋風雨聲疎疎微拂水瑟瑟故多

情似有挈音入而無宿雁驚伊人在何許惆悵隔平生

山亭晚眺用昌黎酬盧雲夫望秋韵同張西村趙玉山吳倩作

方塘瑩淡暮山紫月光入水珠開函太行列障千里碧一望翠合無尖巉新涼勿勿變節候風生絺綌添輕衫商歌自擊漆園缶東門無淚深悲銜覓銷已詫玉山碎舌撝似學金人緘伊人蔓草哭零露紛吾輩逕愁難芟荒園得此小山霍放情泉石棲孤巖奈何溽暑積霖潦萃下沉滯多苦鹹昨朝

乾鵲報新霽官蛙無謂猶謁謫撲緣膚受不能格
豹蝨雷聚青蠅讒開牕一一攬清籟似圈似白非
雕劉老人一星拱北極并絡比曜靈神鑒吾鄉舉
舉張與趙羶腹獺祭何咻饒豈徒駁犖出排鼻要
使撻擊歸和誠朱絃杳杳隔秋水玉笙誰和幽簫
擻

迎秋曲

郡俗立秋前一夕張燈設香案於門供蓮
花具蔬果酒醴錢楮謂之迎秋其亦有唐
風蟋蟀之意乎歌以紀之重土風也

火星闌干月光仄恒陽暝入金城黑六街不夜張
紅燈涼影霏霏露珠滴蓮花如珮香如雲仙艸
芄雲中君炎官火繖去睢睢青娥羽帔來紛紛
燃香祭酒拜翁媼欲爲兒童先乞巧不求博望爲客
星但願汾陽亦壽考蟋蟀無荒此風久跼躑遊嬉
亦時有忼慨滹沱千里秋痛飲中山百壺酒秋氣
何逸秋風悲人生哀樂情爲移笑我何心競秋色
西成索饗同迎釐

辣羊祠歌

山海經泰戲之山滹水出焉有獸如羊一角一目名曰辣辣其名自

計至今郡有辣羊祠每霖雨滹水泛漲則有青羊昂首隨波上下卽

其神也

泰戲泰頭互吞噫兩山各作精靈怪濫觴噓氣爲

長河萬馬奔騰大梁界

昂畢分野

名川歸附不一名恆

衛滋浚綿蔓派

派水入滹沱非派水也

誰其雄長羊而髯非

龍非驪

一角亦非魴目

伏秋高浪摩青穹一角如犀

分水快金睛睽睽鬼目睽溼火棱棱麤角夬應龍

瑟縮魃女飛辟邪狂舞角端拜自呼辣辣誰謂羊

或飮牛牛笑投轄晉人有所將先河楚鬼秦巫皆

震駭不顯亞駝之大神豈比羴羊缶中噉山經名

狀眞猶存禹鼎神姦鑄甯隘通儒博物誠有之終

軍豹鼠劉生械吁嗟祭法重報祈藻蔭稭稊神所

曾

北山諸神
洞皆用此

渾流循軌金隄堅農器無須添水韃

兩厓牛馬何足誇捍禦勤勞慎毋懈

秋夜同人小集水月亭用昌黎曲江荷花行

韵

連天露白秋山淨山光在水天如鏡方亭圍坐三

五人案戶天河正當正波心倒映台符六三朵紅

雲爛盈目星冠翠蓋來娑娑世間尤物原無多

池蓮

僅放

吳郎拍徧普菴咒

吳瞻崑
善琵琶

張生唱出西州歌

張芝厓
誦古詩

我舞巴歛慚下里碎玉噴珠落池裏金波

杳杳月未來呼之不出聊舉杯紅燈翕翹夜珠泣
蓮花欲落燈花開好待銀蟾推駕玉輪出青天碧
海昔昔相趨陪

秋陰用高文良公韵

涼影迢迢翳碧岑白楊烏柏氣森森空烟墜葉蟬
綏冷小雨飄香蝶夢沉索醉正宜雲似幕養花好
待菊如金青娥袖薄增惆悵忽忽高樓愴客心

八月十三夜月用少陵十五夜韵

六日纔張設三分未屈刀微波雲浦近曲拂桂枝
高舊夢驚分鏡新愁感二毛裴裒始今夕信宿待

含毫

十四夜月用少陵十五夜次首韵

暝色收清角孤光上暮城未教圓相滿已自澈宵
明薄暈渾如抱欹杯尙未傾持盈無已太蟾兔足
經營

十五夜月用少陵十六夜月韻

玉宇今何夕人間重好秋山河臨野濶星漢匝天
流五夜爲誰照中天祗獨愁浮槎人去後何處有
仙舟

十六夜月用少陵十七夜月韻

依舊婆娑界光明不壞身霜纔垂兩鬢影尙作三人
滄海沉珠遠靈巖落子頻端憂在中夜芳榭正
愁新

十七夜月仍用前韵

已作下弦勢猶存倚桂身依稀疇昔夜珍重九秋
人魚腦相思減鴻音遠度頻待看萸葉長更照菊
花新

雨中題方順橋

農夫喜雨行人怨代馬秋肥旅雁寒曲逆水爲方
順水人間逆順本無端

過望都

日色淡如水風聲吹似濤霜花生短鬢寒色上征袍
遠目雙峰迴長天一鶚高去年愁歎處滯穗滿隍壕

山雨欲來下白雲吹滿城平疇萌宿麥高壤急秋耕
刈穀後卽熟耕以俟立春種秫俗謂之秋耕地老樹烟猶凝荒灣潦已平
深村無吠犬比戶有歡聲

定州途中感懷

一片秋光致不同客懷難訴與西風麥苗帶土茸
茸綠楓葉迎霜淡淡紅前路旌旂山色裏斷魂心

事雁聲中飲。敗夢境渾難遣。未許中山學醉翁。

新樂曉行

侵曉鮮虞路。秋林氣正酣。草因沙共白。人與雁俱南。
天意秋陽暖。民情樂歲耽。輶車閒駐處。新釀已流甘。

之大名道任志感書懷

薄宦遊燕南。十載困塵壒。七綰監司符。未遂繡衣拜。
職疏蒙

主知咎薄荷

恩貸復造漁陽輜。仍倚中軍旂。
時任宣化郡丞。仍留省辦理差務。

祓濯刮瑕癥振迅去纖芥矢心自黽皇矣事問著

蔡中春桃始華滹沱水澎湃復此秉一麾

本年三月蒙

恩擢正十四城是賴前失甯意中此得誠分外豈

知家運乖噩夢吁可怪妻子忽淪胥鄰里皆震駭

銜悲就官程暗淚濕袍袂棄置豈不哀委化同土

賁死者長已矣生者勉珍愛保陽齟已復常山計

未敢感沐

皇天慈重疊

恩綸沛簡授天雄軍三郡肅南界以予孱拙資益

凜冰淵戒維當宣

德威努力相勸誠庶幾來景風比戶平安太

畱別山園

未是仇池小有天空虛偶爾得逃禪浮屠樹下雙
趺蹙彌勒龕中六月綠蝴蝶夢寒空有淚芙蓉花
杳祇疑仙好看石丈遮畱處已有停雲到眼前

過趙州口號與高生映苔吳壻芍坡和之

麥苗新綠柳初黃盡日驅馳趙魏疆無欲誰能似

公綽說詩終古憶倉唐茶香畫好禪心澹

栢林寺古壁有

畫水或傳爲吳道子筆

路熟車輕馬力良佳句毛君聊共賞

雁聲昨夜有微霜

井陘令毛沁浦有句云昨夜微霜雁有聲愛而用之

唐山道中疊前韻

嵐光曉色繪青黃滿目川原舊井疆

前曾守順德郡

暖日

如春誠

帝世淳風自古紀陶唐兒童漸長猶能識老驥重
來未改良一笑山靈眞面在相看兩鬢有新霜

宿南和小酌

桑下曾經信宿緣古城曲水致依然解裝衣上恆
陽雨話舊尊中達活泉三醉行蹤仍夙昔

前守順德時曾

三過

此十年心事又纏綿重來野老相迎處一鶴孤

飛釀雪天

金華山人詩集
永年道中

逼冬何太煥今日喜輕陰便有迎寒意纔舒望歲
心暖雲屯吉貝瑞雪抵南金集霰機先兆盤根麥
已深

過廣平縣

二漳循軌赴滄瀛大陸於今盡作耕三似定誰埋
息壤一九久已固金城人家半築崇邱上綽楔多
隨積土平莫道治沙無善策因時利導好經營

癸丑生日感懷

年年生日百憂繁今日懸弧倍愴冤辛苦持家惟

弱息殷勤上壽只童孫

九重雨露如川至七葉文章獨我存感遇銜

恩紛涕淚先芳惴惴更無諼

廣平道中得句示吳堦芍坡黃堦繡以和之
潞陽沃野抱長河麥隴微青似遠波一帶寒林過
曲陌半竿紅日到南和翩翩書記誇藍玉浩浩情
懷付碧螺風氣不須銅律暖梅花好放鐵心多

自南和至任縣口占二絕句

風雨龍岡舊主賓十年前事已如塵

余爲郡守時郭教授鉉俊

工詩文南和令劉德榮善騎射最爲投契

一句兩酌南和酒只有清泉

識故人

百泉細細繞園林大陸茫茫動夕陰誰與斜陽添
畫本棗如屈鐵柳如金

偕芍坡繡以遊趙州栢林寺用昌黎山石韻

寺有虞世南大書攀龍鱗附鳳翼二碑殿壁
有畫水相傳爲吳道子畫或云吳小僊筆

水光定相何精微只尺萬里洪濤飛龍騰鳳翥永
興筆率更太瘦常山肥千秋書畫此雙絕吳仙名
字還依稀栢林老佛去已久茶香尙可療朝飢雛
僧八十瘦如鵠坐看凍晷關柴扉松明活火燒石
鼎滿庭栢子香霏霏曼殊寶地花沒膝諸天龍象

紛成圍笑我枯腸自搜索
雪然風雨生裳衣從遊
倜儻得二子如出洼水
新受鞭乘風破浪自茲始
瀛海蕩蕩相依歸

畱宿正定

恆山風雨日縈思
可想恆人憶我時
轉眼雪泥成舊跡
重來杯酒有新知
夢樓樓月空依黯
霜落河橋感別離
爲語山園賢地主
無忘嘉樹好培滋

釀雪疊前韻

白戰寒臯引壯思
筆花纔到夢酣時
雲情駘蕩梅應笑
土脈綢繆麥已知
古木亂鴉烟冉冉
寥天斷

金華山記
雁影離離玉壺一色無纖翳只有蒼松冷翠滋

曉行望西山

輝輝星斗欲闌珊
趑趑冰霜動轍環
未放雪花理馬耳
漸看曉色上狼山
五更霧合桃花洞
百里雲連娘子關
好倩素娥爲刻玉
大行飛佩舞孌顏

再催雪

銖衣久不見珊珊
鏡裏長思白玉環
何處扁舟尋舊約
待看飛雪滿羣山
南畿暖律吹千里
時屆北長至
嶽寒雲度五關
旦晚六花來有信
飛牋先與破愁顏

過明月店

來往中山路飄揚歲暮心薄霜明冷月枯柳卧斜
陰市散燈猶接村寒夜未深玉壺聊買醉白雪助
清吟

卽目

前旌遡征雁離思入雲端地隔滹沱暖天連魏博
寬麥苗青盼雪蘆管暗吹寒歲美民聲樂神絃走
馬看

銅梁山人詩集卷十三

渝江王汝璧鎮之

邱鍊香太守以銅梁張襄敏詩卷見貽卽用
卷中上谷逢嚴郡伯韻賦謝

墨癖書痴興不孤壯哉襟袖有方壺攜來巴嶽仙

人句仍作川東仲子呼

肖甫印章曰川東張仲子鍊香以予銅梁人因以見

贈草聖三生追玉局瓣香一縷上夔巫昨宵赤壁

觀奇蹟舉網爲君慶得鱸

昨見山谷書赤壁賦欲購以奉酬

雨花庵用洪素人舊韻

滿壁皆今雨重尋少故人頑僧似傭保好句半埃

金華山人詩
塵祇有松風古長留蘭若春

有錢文端公書額
松風禪月尚存豐

千漫饒舌花影記前因

曉望雲氣甚濃知大名必已得雪詩以祝之
寒臯老鶴自鳴陰
蟬管葭飛玉漏沉
曉氣漸看如
匹練雪花應已滿
前林千村笑語含
春意半月踟
望澤心爲祝
甘膏須偏灑
斗南千里待爲霖

圓津庵疊前韻

山亭寂寂鎖寒陰
古栢蒼藤石氣沉
初地重來仍
昔夢老僧久已返
雙林千秋花雨維
摩室寺藏前
輩詩軸
多甚十載鴻泥過客心
仰止甘棠遺墨在
列星先後

本甘霖

壁間有韓江鄭制軍和方宮保詩刻

南和令陳以經送酒酬以小詩

三酌南和酒相逢眼倍青
百泉資醞釀一勺本清
冷笑我非仙客如君亦酒星
坐看春滿屋更待雪盈庭

再祝雪用圓津庵方恪敏公韻

鮒魚斗酒祝甯遲又見歡騰飯甕時

去臘積雪封林今秋畿輔

大稔霏玉漫愁如刻楮停雲端合爲催詩敢言正直

邀神應終是天民仗

主慈一夜曼花吹滿地

恆河沙界氣潛移

和吳壻尋梅用前韻

驢背行來得句遲
煙寒古寺月斜時
梨雲落莫渾無影
翠羽啁啾但有詩
萼綠華來如夢杳
曼陀羅散是天慈
時方望雪何時驛使傳消息
笑遣春風健步移

肥鄉曉發

曉色開肥壘
村煙散列人
沙平皆沃壤
冬煖似陽春
衛女風詩古
桑經郭邑真
浮邱何處是
仙蹟笑

無因

縣有浮邱山

廣平縣

地已居山左疆原入魏都九泥重徙築沙蹟半荒

燕潦涸無拳壯

名河山

山平有轆轤

名山

莫教漳水北保

障慎先圖

歸大名署口占

泠然一月馭風回拍手兒童笑語厖莫道奚囊無
長物隨車帶有玉璫來

喜雪用東坡北臺韻

弱綫纔添暑影纖朔風連日鬥寒嚴千林霧淞眞
堆飯一夜恆沙盡作鹽雲物待看陳

黼座歡

聲早已徧茅簷繡衣爭指歸鞍色簇簇花明玉斧

尖

好語頻聽報喜鴉穰穰已見滿篝車三微律琯春
生黍昨夜釵頭粟有花瑞麥根連河北地玉梅開
徧野人家更教等伴歌三白碎踏瓊瑤積路叉

喜雪用昌黎秋雨聯句韻同吳堦作

魏臺朔風號漳水寒雲會微陽氣始孳鎮之薄暝

色方藹天圓雲將

去聲屯鼎

中候黃宮泰噓氣搏玉

沙

鎮之

扶漢剪銀瀨霰集蛟珠明

鼎

花織龍茲大

幕積本太空

鎮之

簸揚正未艾藐姑何翩然

鼎

冰

夷亦能奈風輪無停機

鎮之

谷口有塞兌鄰虛淨

無滓鼎泡影激非汰不夜方夜中鎮之有象得象

外梅萼破曉寒鼎瑤車夢朝噦睡驪鱗甲膠鎮之

花雨優曇謁遐觀幻諸相鼎愷澤樂均沛太行凍

攢天鎮之幽谷春生籟陸海鯨牙撐鼎市集鹽車

忼挈舟喜寒簑鎮之巾車笑縞帶蜚蠊無子遺鼎

疥癘靡有害稷粟填溝塍鎮之圭璧畫川澮飯甕

先春徵鼎麥隴三秋賴諺云一麥勝三秋澤下欲生尺鎮

之兆合休卜蔡田祖洵有神鼎素娥亦親酌大地

飛瓊囊鎮之繁林息翳薈關山疊嶠寄鼎河冰靜

硯磕耕玉思藍田鎮之堆絮疑吉貝冰融黑突煙

鼎雲集芻藁唐玉壺此欣賞鎮之金罍共沾丐楫

柑園地鑪鼎凌兢想行軟灞橋得句遲鎮之嶰竹

和鳴翹瓏璫簷溜垂鼎菌蠢團焦蓋高欲凌恆嵩

鎮之遠不棄曹鄴冷徹鐵甲兵鼎歸揚白蜺旆紅

女添繡紋鎮之喜鵲報祥靄映之讀異書鼎藉以

滌塵壒陣圖悟鳥蛇鎮之羆腹錯鯖膾鶴筆致足

豪鼎兔園賞應最狀體刻篆工鎮之侔色文璣沛

九野濡甘膏鼎三白徯渥霈吹邠歌屢豐朋酒樂

無太鎮之

雪夜懷繡以客都門同吳壻作

風簾密雪粲銀釭對影懷人酒力降吳質夜來渾
不寐黃童都下定無雙花飛彩筆春生座夢破寒
梅客到牕卅載宣南讀書處歌聲金石又誰撚歲
午予以諸生入都寓外舅錢文端公邸第今三十
二年矣聞黃壻亦寓宣南坊不勝今昔之感
圍鑪用昌黎石鼎聯句韻同吳壻作

凍合樽酒盞冷噤煎魚烹鱖魚玉柱鎮之銅龍

凝凌聲斧冰訝皸痂鼎巽木占鼎亨獸蹲活火熾

鎮之電激爆竹驚陰燄蒸菑翳鼎陽息包元貞雪

暖紅欲化鎮之灰揚白交爭客豈中散鍛鼎笑集

涸于纓燒芋食纔半鎮之煮茶聲欲平如黍谷吹

律

鼎

想搏桑發萌冶金劍或躍

鎮之

飛汞鉛未傾

無事橐籥運

鼎

靜覺煙塵清玲瓏齊珠透

鎮之

翕

絕賴盆盈匪云厝薪下

鼎

若爲陶瓦成呵研汞今

夕

鎮之

夢花開曉晴溫犀自寒辟

鼎

盾日如繖撐

悟影方丈室

鎮之

醉歌力士鎗指揮聚煨燼

鼎

只

尺屯壑阮竈觚據眇孔

鎮之

井湄嗤瓶罌箕踞前

席坐

鼎

炙踝借箸擎更闌熟羊胛

鎮之

香汎調梅

羹九九鑿成早

鼎

六六葭飛輕得時快簪盞

鎮之

之

執熱猶盤盛布浣藉以潔

鼎

斗熨平如橫

橫衡通

團

闌手爭炙

鎮之

掩藹鐘初鳴匪吐以炫巧

鼎

惟嚮

能抒誠兼得文武性鎮之自喻風雲情隩民徧朔

易鼎噓氣連幽并虛耗照既澈鎮之紛郁象已呈

甯假狐貉暖鼎時作金石鏗冰融玉壺色鎮之釀

奪青春名似茲輝在抱鼎如彼溺者撻吉祥聆三

白鎮之煬燠推十精莫笑地鑪小泰道方時行鼎

雙池歌用少陵漢陂行韻

陽平平衍觀無奇衡漳洹衛連澤陂渾波衝突費
檣柱那得淨綠明玻璃伏流於壩地中入其施數
尺清泉集匯爲兩池各一方一脈清泠洊相及東
井下注東壁開涵星浴斗天無埃朱繩再鼓瓠巴

金華山志
去赤鯉一躍桀高來西池玉氣方流測亭子圭棱
新拂拭射圃遙遙的暈紅鴻音杳杳寥天黑兩池
如畫偏少山叢書與我居其間觀空久已得智性
上善更可參元關有時鮫室懸夜珠東池雲影西
池趨園禽春草夢未遠芙蕖秋水人豈無卽今澤
腹堅冰至何人會得冰霜意騶生吹律當如何浮
萍新水隨風多

八蜡廟會歌用昌黎汴泗交流韻

天雄城西曉吹角黃雲撲面風如削迎年土鼓來
迤迤叢祠古瓦飄靈旗貓虎踞箕對騁怪索饗便

似神工爲釀金報賽年年定百貨駢羅共輝映日
中列肆光陸離齊商晉賈連鞍羈彈箏擊筑樂復
樂得錢沽酒相逐馳俗恬歲美時多暇忼慨聲中
民氣化寒飈纖颿雪片麤振儼百隸交歡呼阜財
待續貨殖傳樂事寫入幽風圖穰穰滿家洵難得
朝無索逋夜無賊

雜題園池五首

東池用謝元暉遊東田韻

潭影黑澄渌朝暎見魚樂曲廊蔭槐楸澄鏡涵齋
閣何年始疏濬此日契恬漠滄瀛一杯浮井絡三

霄落寓言笑棘湯山象問莊郭

莊子湯之間棘簡文注湯廣大貌棘

狹小貌曲說也

愜山書屋用晚登三山韻

魏臺縈空煙貴鄉傳古縣百里無奇峰虛牕罕遙
見蜿蜒衛與漳抱郭飛雙練伏漲時漫流積潦蝕
郊甸古賢舊策垂載石渾河宴一阜今歸然疏林

正堆霰景行仰高山愜心永無變

城北有愜山漢河隄使者隄為

王延世載石塞河愜民心得名魏地二百里內無遠峰列嶂之奇因取以名吾齋

愜宜用治宅韻

小屋東北隅附庸池館曲燕樂食所居飢飲飽斯

足碧月投疏櫺紅牕上朝旭衛公戒賓筵君子歌
猗萊慎哉惟敬口豈徒譏食粟食所居日宜有取
乎慎言語節飲食
之義故名
之以慎

飲香齋用高齋獨坐韻

讀書患不多避俗苦不深客去此獨坐如鳥棲高
林空煙散微篆奇氛助清吟爐支短尾鉤壁有無
絃琴自得飲中趣默會靜者心仰止段干臺誰繼
西河音緬彼萊與魏碌碌小山岑

觀亭用郡內登望韻

方池如折矩小亭象容圓空景接幽覽遠意何脩

然戴笠寫高穹濯纓掬寒泉團圞頭上日窮曲池
中天清飈生夏涼冷月含秋煙翕舒各有致寒暑
憑推遷有時激鳴鶻量貫中邊草根雪初霽膜
臘待擊鮮茲邦習尚武乘暇爲蒐田

亭外爲射圃

小除夕用少陵今夕行韻

傷心逝者眞長徂誰與守歲鰥與孤人生似此夫
豈無飲敗哭泣分悲娛斷魂歷歷那可忘

去聲

牛衣

豈比臨邛廬回風便欲問竈髻後身誰解參浮圖

可憐百事未如願今日俸錢空十萬

癸丑除夕

更深燦影倍精神百感蠲除悟淨因歲德居寅星
有福斗杓旋丑夜回春百年身事纔過半三輔風
光共一新萬六千觴今夕始屠蘇庵裏酒初巡

元旦微雪午後作雨志喜一律疊除夜韻

風颭銀幡戴喜神鵬前三白有前因青雲此日纔
千呂玉蕊昨宵已放春膏雨九天初布澤麥苗千
里正懷新兒童鴉鵲同歡譟快舞簷花好共巡

幕中諸君皆有和章再疊前韻奉酬

絲筆朝雲定有神花花葉葉想緣因高歌屬和眞
霏玉好雨知時共買春但使光浮醺醪滿不愁雪

點鬢毛新來朝巷陌簫聲動月夕煙郊次第巡

迎春

喜色青旗颺歡聲玉琯和酒隨漳水淥春入魏風
多緯耒農初暢騎牛牧自歌新年恩澤普蠲
賜偏山河

立春

不有雪霜積安能風日和鳥情新宇濶花事此邦
多畫戟開朝旭陽春入里歌麥疇滋嫩碧一色帶
雙河

春夜

枯桑愁繭太無端玉漏丁丁夜未殘獨坐空堂嗟
鬢薄撩人淺醉覺春寒微雲逗月碧初上小雨飄
燈紅欲闌偏是良宵倍惆悵疏星清淚共闌干

春晝

十分春色是春朝碧玉壺中景物饒白日當天烏
鵲喜青雲得路玉驄驕纔看冷雪衝梅蕊已有光
風上柳條轉眼便當花似錦愁人爭忍聽錫簫

春聲

臘鼓敲殘爆竹微燈街繁吹正依稀一聲喚起煙
初曙幾處提壺綠乍圓花擔遙從深巷出踏歌新

向大堤歸何人解唱陽春曲玉琯風中暖雪飛

春煙

淡絕寥空不可尋
鄰虛煙景靜愔愔
蓬蓬浪引青雲
思黯黯愁牽碧草
心多事纏綿
縈柳絮無端悵
望隔樓陰遠
山黛色凝如許
不到含顰恨已深

春波

片帆初上影遲遲
樹下門前凍未澌
日暖漸看光滑
笏雪消新長碧
漣漪餘花衫
浣流紅去細草裙
拖淨綠移最是傷心
南浦別江花黯黯
淚如絲

春塵

漠漠春痕撲面微
鉏車何處碾晴暉
偶隨夢雨冥濛下
或惹游絲輾轉飛
糝綠煙騰官路疾
輒紅花簇杏園歸
長教輕暖輕風候
十丈香雲繡作圍

春夢

昔昔塵勞苦百骸
行雲何日到春臺
花魂一縷悠揚去
香雨三生慘淡來
更遣黑甜陰駐午
不知碧落月生哉
多情好問南華蝶
栩栩緣何往復回

春星

冰雪全開敞玉壺
寒光點點似瓊觚
張中早識田宜穀
火見從知燧改榆
楊柳梢頭弓影寂
杏花陰

金華山人詩
裏遂聲孤草堂快讀風林句醉看參旂過去無

春郊

柳邊竹外颭風帘簇簇晴臯翠色添細犢車中花
姪姘乳鳩邨裏雨廉纖尋芳不覺嘉遊數望遠還
教別恨兼淺草平沙堪試馬籥雲便欲躡飛廉

春漏

麗譙清角晚停吹蓮漏初傳夜色遲二十五聲宵
尙永三微一氣箭頻移銅街燈炮人歸後槐府烏
啼月落時記得曉霜趨禁闥仙鐘杳藹出杲恩

元夜護月作

正欲問青天雲樓事渺然偏於今夕黯獨向曉星
圓畫鼓千撾肅銀花澈夜鮮彩蟾來日返昔昔對
嬋娟

十六夜月疊前韻

依舊廣寒天蟾光故皎然夢憐昨夜噩鏡訝幾時
圓照眼金罍滿堆盤粉荔鮮六街燈好在重繪玉
娟娟

正月十八日同人小集飲香齋分韻得好字
顛風盡日吹燈事倏已了冰心破寒梅暖意萌芳
草暉暉凌始釋洋洋日初杲百族共懷新羣動已

紛擾良農務本業趣耕耨小卯不憚力作勞所願

年光好吾儕幸無事嘉辰喜新旭

詩旭日始旦樽古讀如好

酒數過從金石互蒐討刑法棄申韓道德參孔老
讌飲不酣爽職思戒荒飽樂志俯遊儵高情薄飛
鳥麥苗正抽綠生意向晴昊寄牋與條風春雨宜
及早

尋題口占

空花何處不相思莫怪江郎綵筆遲無那紅霞深
夜嚼可憐碧月曉風吹鈿箏響急纔逢雁錦瑟情
多欲買絲非我佳人誰解得無題未肯漫題詩

邀諸文士會課用韋蘇州郡齋雨中燕集韻
雲日敞清晝芹藻流新香春事倏將半敝裘餘峭
涼絲竹歇繁響書史堆虛堂何以酬歲華所幸逢
時康志攝力乃奮慮澹情若忘開卷有深悟味古
非輕嘗諸子競磨淬五色紛成章思同春花開神
與臯禽翔契茲海上琴遠韻何洋洋由來麗澤資
日進斯无疆

二月十五夜月

獨立看花影金罍孰與同寒銷春已半愁劇夜方
中月自空庭白燈偏竟夕紅不眠聽斷漏杳杳度

輕風

催雨

片雲曾爲雨催詩今日停雲意較遲
二麥煙光翻浪起三農頽背待耕時
睡驪應逐雷聲動雌霓渾依日腳垂
春秋緯虹見則晴霓見則雨
早晚甘膏須大霽不雩而雨總靈施

次魏縣

魏臺春色遠冥冥細草殘隄舊潦經
柳眼暗隨人意綠麥苗新帶水痕青
荒城鳥下風逾疾古寺花開戶自扃
晝靜村深無吠犬鳴鳩喚雨獨丁甯

肥鄉道中

行旌曉出列人東，春色纔過二月中。
花不見，梅惟見。杏候方宜雨，未宜風。
塵痕拂草紛紛白，日氣浮天漠漠紅。
爲祝龍神應起舞，雲輪梵唄正騰空。
時方

禱雨令各屬虔誦御定大雲輪請雨經

臨洛關

暖日薰繁蕊，疏林帶遠坡。
到關青嶂出，近水白沙多。
風定邨帘直，煙清戍角和。
驅車憑眺處，洛滏靜無波。

過順德郡署感懷

十二年前夢已非槐堂慘綠尙成園可憐隻影重

尋處今日眞成丁令威

予守順郡時眷屬今亡者過半

內邱道中祝雨

躔星附耳定知聞

趙分畢附耳在畢旁

昨夜纖阿占幾分

霖降來眞雨粟土膏潤處亟犁雲恆陽千里含靈

澤河朔崇朝解旱氛指日

六龍臨紫甸南風

協律奏時薰

曉過雨花庵至柏林寺小憩

畢星臨分野雲氣覺濃深柳色綿花雨茶煙淡栢
林重來觀水處不盡問禪心老衲眠方午隣虛此

獨尋

過正定再疊前韻

風雨高樓引寤思依然池草夢春時
幾人折柳添新曲十里看花是舊知
流水多情渾脈脈膩雲題句尙離離
漫誇箏筑民聲樂要使甘膏四野滋

定州

問訊仙人酒未芻塵蹤那得此淹留
沙痕一帶濛濛白月曉風清過定州

清明日過保定感懷

東風曲巷太悲涼不忍重過薜荔牆
舊夢慙悽心

已碎孤蹤傲芄日方長荒祠草殯星周速寒食烏
啼客緒傷一語重泉聽得否詩無好句酒停觴內子
嘗勸予云少飲酒莫作詩思之不勝悲感

安肅途次遇雨志喜疊紺雲精舍舊韻

輕風吹雨遂城邊一片濃陰禁火天雲氣已占千
里潤麥苗定有再生緣飄揚柳外纔沾袂頃刻花
開若遇仙遙憶祈羊應有驗木郎唱澈起龍眠時大
名禱雨

北河

舊遊風景重徘徊山遠波明鏡影開每過北河頻

得句卻懷南郡此停盃雲痕平望桑榆遠雨腳應
隨驛騎來轉眼待看生上尺桔槔奮激起沈雷

曉次望都

抱陽飛夢遠泠泠一勺靈湫乞小青

滿城抱陽山有潭舊有小

青蛇居之
禱雨輒應

塵外風聲愁女慙石根雲氣接元冥栢

塗古鬼啼殘月華戶羸牛望曉星立馬踟躕虔禱
處慶都煙靄滿林垌

夜行漫歌

炎炎月上頰盤小焚輪風急黃雲繞暗裏愁蛙啼
向人白榆碎碎荒溝曉驅車閬寂投空邨柳枝亂

舞多離魂螢燈一點出門隙中山有酒清而溫解
衣一醉得豈易犀首安能竟無事隔牆老媪眠且
護雨工半夜騎龍至

旋風

突習紛紜攬日輝難憑竿羽問祥禳未能羊角扶
雲起祇向牛蹄脅土飛咫尺乍疑夔罔遁尋常便
似烏蛇圍蟄雷扶石甘霖澍野馬遊光共息機